

Tertullianus, Clemens Alexandrinus & Origenes producuntur. At hi de consuetudine inter christianos alicubi recepta, non de necessitate legis loquuntur. Et efficerent nihil, si contrarii forent, sua auctoritate, quæ in rebus gravioris momenti apud orthodoxos haud ita magna deprehenditur. Et apprime credidero observatu dignum, grafsantibus hinc Ethnicis in religionem christianam, inde Judæis eam blasphemantibus, & conventus Sanctos sceleratarum epularum Scythicoque sanguinis esu fœdatarum ignominia diffamantibus, tacitæ necessitatis arbitrio horumve sæculorum Christianos abstinentiam a sanguine esse professos, ut externo etiam documento abominandas illas cœnas a sese alienarent, & accusatores calumniarum convincerent. Haud obscure ex *Tertulliano* hæc illustrantur: *In-Adversus tentamenta*, inquit, *Christianorum botulos etiam cruore distentos admovetis, certissimi scilicet, illicitum esse penes illos, per Gentes c. IX. Apol. quod exorbitare eos vultis.* Hæc tentationum methodus rem ex se liberam apud Christianos amore confessionum, ceu necessariam introduxit, ut Doctorem multi, quos inter modo laudati præ cæteris habendi sunt, illa innocentia Christianæ argumenta, ceu ex more receptissimo deprompta pro evidentissimis consignarent & coram iudicibus assererent, ut ex commentariis ipsorum ad nos devenere. *Seculo IV. ex Concilio Gangrensi adducitur canon secundus; Si quis carnem edentem, præter sanguinem & idolis immolatum & suffocatum cum pietate & fide condemnat, uti spem non habentem propter hujusmodi perceptionem, anathema sit.* Ubi addit *Franciscus Sylvius* a sanguine, idolis immolato, & suffocato, non est necessarium abstinere, sed aliquando fuit, scilicet ex præcepto, quod est *Act. XV.*, quodque, ut hinc apparet, diu observatum fuit quibusdam in locis. Superaddo ego; consilium Apostolorum apud multos pro præcepto habitum, & fervorem confutandarum calumniarum de sanguine humano impactarum ac abominationis sacrificiorum gentilium externo exemplo docendæ, ceu in necessarium Christianorum morem abstinentiam sanguinis in multis locis convertisse. Et ad-

D

ver: